

PROCES PRISTUPANJA EU

Korak po korak

#EUProširenje

novembar 2023. godine

Kredibilna politika proširenja predstavlja geostrateško ulaganje u **mir, stabilnost, sigurnost** i **prosperitet** u Evropi. Temelji se na pravičnim i rigoroznim uslovima i principu vlastitih zasluga. To zahtijeva da zemlje kandidatkinje provedu složene reforme u mnogim oblastima, kao što su vladavina prava i ekonomija te da usklade svoje zakonodavstvo sa pravnom stečevinom EU. Istovremeno, od zemalja kandidatkinja se očekuje da razviju svoje administrativne strukture. Od najveće važnosti su i pomirenje, dobrosusjedski odnosi i regionalna saradnja.

Svake godine Komisija dostavlja Komunikaciju o proširenju, u kojoj se navode njene preporuke u vezi s procesom proširenja i izveštaje koji pružaju detaljnu procjenu trenutnog stanja i napretka koji su ostvarile kandidatkinje i potencijalne kandidatkinje na putu ka Evropskoj uniji. Ova procjena se fokusira na provođenje temeljnih reformi, a sadrži i jasne smjernice za reformske prioritete pred ovim zemljama. Komunikacija i izvještaji zajedno čine „Paket proširenja“.

Osnovni koraci u procesu pristupanja EU



1. Zemlja podnosi zahtjev Vijeću (države članice EU).



2. Komisija dostavlja Mišljenje po zahtjevu.



3. Države članice EU jednoglasno donose odluku da se zemlji dodijeli status kandidatkinje.



4. Nakon što se ispune uslovi, države članice EU (jednoglasno) odlučuju da se otvore pristupni pregovori.



5. Komisija predlaže nacrt pregovaračkog okvira kao osnovu za pregovore, na osnovu zahtjeva država članica. Pregovori o pristupanju zvanično počinju kada se države članice saglase sa pregovaračkim okvirom.



6. Tokom pregovora, koji su strukturirani prema klasterima i poglavljima, zemlja se priprema za provedbu propisa i standarda EU.



7. Nakon što se finaliziraju pregovori po svim oblastima, Komisija daje svoje Mišljenje o spremnosti zemlje da postane država članica.



8. Na temelju ovog Mišljenja, države članice EU jednoglasno odlučuju o zaključenju pregovaračkog procesa. Saglasnost također daje i Evropski parlament.



9. Sve države članice EU i zemlja kandidatkinja potpisuju i ratificiraju Ugovor o pristupanju koji zemlji omogućava da postane država članica EU.

Klasteri pregovaračkih poglavlja

Nakon uvođenja **revidirane metodologije za pristupne pregovore** u februaru 2020. godine, pregovaračka poglavlja su sada podijeljena u **šest tematskih klastera**:

- 1** Temeljna pitanja
- 2** Unutrašnje tržište
- 3** Konkurentnost i inkluzivni rast
- 4** Zelena agenda i održiva povezanost
- 5** Resursi, poljoprivreda i kohezija
- 6** Vanjski odnosi



Pregovori po svakom klasteru **otvaraju se u cijelosti** nakon što zemlja ispuni uslove za otvaranje. Svako poglavlje obrađuje se pojedinačno s obzirom na njegovo provizorno zatvaranje. Pregovori o **temeljnim pitanjima prvi se otvaraju i posljednji zatvaraju**; napredak u okviru klastera temeljnih pitanja određuje ukupnu dinamiku pregovora. Ukoliko je ostvaren zadovoljavajući napredak po reformskim prioritetima, to bi trebalo dovesti do bliže integracije s Evropskom unijom, kroz ubrzanu integraciju i povećana ulaganja i finansiranje.

Disclaimer:

© Evropska unija, 2023

Dopušteno je dalje korištenje ovog dokumenta, pod uslovom da se navede vlasništvo i naznače sve promjene (Creative Commons Attribution 4.0 međunarodna licenca). Za svako korištenje ili reprodukciju elemenata koji nisu u vlasništvu EU, možda je potrebno tražiti dozvolu direktno od odgovarajućih nositelja prava.

Sve slike zaštićene su autorskim pravima Evropske unije, osim ako nije drugačije naznačeno.

Icons © Flaticon – sva prava pridržana